

I. N. D.

Disseratio Academica

De

*VOTO IN GENERE, ET SPECIATIM
DE VOTO TEMERARIO,*

Quam

Conf. Ampl. Fac. Philos. in Reg. Acad. Aboënsi,

PRÆSIDE

Mag. JOHANNE BILMARK,

Histor. ac Philos. Praef. Professore Reg. & Ord.

nec non

Facultatis Philos. b. t. Decano;

PRO GRADU

Publico Examini subjicit

HENRICUS WEGELIUS, Esq. F.

Ostrobothnienfis,

In Auditorio Minoris die XX Junii A. MDCCXCV,

Horis ante meridiem solitis.

ABOÆ, Typis FRENCKELLIANIS,

VIRO Plurimum Reverendo atque Praclarissimo,
Domino Magistro,

ESAIÆ WEGELIO,

Sacellano Ecclesiæ, quæ Deo in Wörå colligitur,
vigilantissimo,

Parenti Optimo,

*Beneficia inde ab ipsis incunabulis a Te, PARENTS OPTIME,
in me collata, tot tantaque fuerunt, ut Tuas sepe facul-
tates, meam vero exspectationem semper excederent; non po-
tui itaque, quin Dissertationem banc meam Gradualem in
pignus pietatis, numquam intermorituræ, Tibi offerrem,
quam ut benigne suscipias, humillime oro atque obtestor. E-
go autem numquam intermittam, Deum O. M. aspidis fa-
tigare precibus, velit Tibi longam ac tranquillam concedere
vitam, ut votis Ecclesiæ & nostrum, qui Tui sumus, diu-
tissime sufficias. Ad cineres usque permaneo*

Parentis Optimi

obedientissimus filius,
HENRICUS WEGELIUS.



§. I.

Sicut promissio, definitibus Philosophis, est declaratio voluntatis nostræ de quodam alteri præstanto, conjuncta cum translatione in eum juris, exigendi a se ejus præstationem; ita *Votum* est promissio alicujus rei facienda vel non facienda, Deo cum speciali obligatione facta; quale votum CICERO describit per *Sponsionem*, qua *Deo obligamur* (a). Originem votorum querendam esse existimamus in communi illa hominum opinione, quod quicquid boni alteri fecerint, id non possit non ei esse acceptum, sive felicitatem ejus ita augeamus, sive animum saltem ei addictum ista declaratione testemur; qui quidem actus inter homines primum obtinens, ad Deum postea in spem auxilium & gratiam suam in rebus præcipue momentosis obtinendi, fuit translatus. Imo familiarem hominibus hanc fuisse persuasionem, ex votorum colligi potest antiquitate, exemplis eorum in vetustissima Historia tam Sacra, quam profana, passim occurribus. De Patriarcha enim JACOBO legimus, eum, quem per somnium vidisset angelos Dei ex cælo in terram descendentes, & hinc rursus adscendentes, Deo vovisse, se Deo, sibi propitio, templum in isto loco ædificaturum, ac decimas de omnibus bonis suis Ei daturum (b). Qualem quoque inter paganos obtinuisse morem, unico in re plana probas-

se sufficiat exemplo. *Furius CAMILLUM, inclytum Romanorum Duxem, Vejos bello persecuturum, tollenne votum tale concepisse, memoriae prodit LIVIUS: Tuo ductu, inquit, Pythice Apollo, tuoque numine instinctus, pergo ad delendam urbem Vejos, tibique hinc decimam partem praedæ zoveo &c.* (c).

(a) *In libro de Legibus Cap. XVI.* (b) *Gen. Cap. XXVIII; v. 32.* (c) *Vid. Histor. Libr. V. Cap. XXI.*

§. II.

Quicquid aliis promittere solent homines, id vel opes vel actiones eorum concernit, in utilitatem, felicitatem vel saltem delectationem promissarii tendentes, illas quidem in dominio, has autem in potestate & arbitrio promittentis positas; quæ quidem observatio, quatenus res seu opes in censum veniunt, an votis Deo factis, recte possit applicari, multi dubitant, imo non pauci negant, quæ res omnes, vi creationis ac conservationis, Divino subsint dominio, hominibus nulla habentibus bona, quæ ceu propria Summo Monarchæ offerrent, & quæ proinde objectum votorum constituerent. Si enim administrator domino suum reddat peculium, speciale hujs non meretur gratiam; pari modo qui Deo quidquam ex bonis sibi concessis promittit, voti sui se propterea compotem futurum sperare non potest: unde porro considunt, actiones morales esse solas, quas Summo Numini vovere possit homo. Enimvero quamvis Deus, ut pote sibi sufficientissimus, donis suis, quæ nobis administranda gratiissime concessit, non indigeat, nec summa sua ab his oblatis dependeat perfectio; merito tamen præsumere licet, gratum ei futurum, si speciali nos interdum obligemus modo, partem honorum ita collocare, ut Eius

jus gloriam & aliorum felicitatem ita quasi ex debito promoveamus; & hoc quidem intuitu nihil impedit, quominus certa Deo voveamus bona. Quod ad actiones nostras morales attinet, quisque facile concedet, Deum nec eis magis, quam bonis nostris, opus habere, nec facultatem tales praestandi originaliter nobis esse propriam, sed hanc pro Divino habendam munere; adeoque ex pari cum citatis modo Philosophis ratione esse admittendum, nec actiones morales idoneum constituere votorum objectum; quod sicut ineptum foret statuere, ita tutissimum videtur adferere, bona non minus, quam actiones nostras morales pro diversa circumstantiarum ratione Deo voveri ab hominibus posse.

S. III.

Quicquid autem sit, præcipuum tamen votorum objectum constituant actiones nostræ morales, seu ut Poëta monet: offerenda Deo *Compositum jus, fasque animo, Janælosque recessus - - - Mentis, Et incœcum generoso pectus honesto* (a). Actiones autem triplicis sunt generis, bonæ videlicet, malæ & indifferentes, seu tales quæ ex sua natura nec bonæ sunt, nec malæ, sed pro circumstantiarum ratione ad hanc vel illam referuntur classem. Quamvis vero ad bonas præstandas actiones homo generatim & absolute obligetur, potest tamen adhuc voto, velut novo eodemque fortissimo motivo, se coram Deo peculiariter obstringere ad certas actiones accuratius peragendas, imo ad tales, quæ quodam fortunatum suarum dispendio content. De cætero quum singulæ actiones bonæ non sint ejusdem vel utilitatis vel necessitatis, & circa unius ejusdemque actionis moralitatem rite æstimandam, personarum, temporis, locique consideratio multum sæpe momenti habeat; nihil omnino impedit, quominus quis ad eam præcipue

cipue actionem se obliget, quam animo in Deum gratissimo declarando maxime idoneam judicaverit; quo quidem intuitu votorum nuncupatio ac præstatio partem cultus Divini, non quidem lege vel naturali vel positiva præcepti, attamen permitti, constituit (b). Propter successum autem malarum actionum, quas quis forte meditatatur, votum Deo nuncupare absonum plane foret, quum Deus, Eas sanctissimum, omnem abominetur iniquitatem. An sani, quæso, hominis votum fuit Galliæ Regis, Ludovici XI, opulentiorum civium bonis temere inhiantis, & b. Virginis MARIAE, quam ceu præcipuum venerabatur numen, partem prædæ, quam arriperet, promittentis? Attamen quum per allatam voti definitionem hoc etiam ad non facienda extendatur, non diffitendum, quin male actiones certo modo esse possint voti objectum, scilicet si quis nuncupato voto se obstringat ad abstinentiam a malo quodam hactenus placito, sed cuius noxam fuit expertus. *Indifferentes* denique actiones, sensu a nobis allato sumtae, minoris sunt momenti, quam ut earum præstationem voto obsignare conveniret, & qui contrariam fovent sententiam, indifferentes actiones ad bonarum classem referunt; supponunt enim, eas acceptanœ gratas & acceptas futuras.

(a) Vid. *Persi Satyr.* II. 74, 75. (b) Vid. *Lev.* XXVII & *Num.* XXX.

§. IV.

Sicut promissio, & quod hujus est species, votum considerari potest ut actus quidam reciprocus inter promittentem & promissarium; ita si actus iste erit ratus, ab hujus parte requiritur acceptatio. Si hoc postulatum forte cuiquam videatur superfluum, quum quilibet acceptare præ-

) 7 (

præsumatur, quicquid ei vel commodum vel obiectamen-
tum adferat, sciendum est, hoc utrumque non ex mente
promittentis, sed promissarii, esse aestimandum, nec pa-
res utriusque personæ de voti objecto semper esse ten-
tentias, ideoque vel declararam requiri acceptationem,
vel faltem præsumptionem huic analogam. Quærat autem
forte quispiam: quo constet indicio, Deum acceptare vo-
tum sibi factum? Respondeo: Deum hoc non declarasse,
nec qualitatem objecti sibi placituri revelasse, eum ta-
men votum acceptatum certo nos persuasos esse posse,
si per ejus præstationem Dei gloria aut hominum felicitas
reapte moveatur. Quamvis vero vota hæc Deo sint
grata, ac proinde ab Eo acceptentur; nemo tamen sibi
persuadeat, Deum per ea in commodum a nobis expeti-
tum obligari; quin potius firmiter credamus, nos a Deo
sive donis sive factis nostris nihil quidquam promereri.
Interim quum Deus in genere faltem cultum suum no-
bis præceperit, modum autem & specialia reverentia suæ
signa nostro reliquerit arbitrio; facile patet, Deo recte
aliquid non quidem sub opinione meriti, sed gratitudinis
declarandæ, honoris testandi, imo pravorum habituum
vel peccatorum vitandorum causa voveri (a), & votum
qua tale ab ipso acceptari.

(a) Vid. *J. S. de NEUMANN Commentat. de pactis & con-tractibus Principum p. 14. §. XIV.*

§. V.

Circa generalem hanc de *votis* disquisitionem quæri
adhuc potest: An vota sint obligatoria? Cujus quidem
questiōnis non is esse potest sensus: An homines ad vota
nuncupanda sint obligati? id quod neminem adfirmatu-
rum crediderim, habita imprimis præceptorum Legis Na-
tura-

turalis ratione; imo quamvis vota pro parte cultus Dei publici reputentur, nec Legibus tamen positivis præcipiuntur, in classem proinde institutorum humanorum referenda. Proposita igitur quæstio huc redit: An quis ad præstandum votum, a se libere ac maturo judicio factum, valide obligetur? Quod adfirmamus, modo nullum ipsi voto adhæreat vitium. Imprimis videndum, ne priori ac fortiori obligationi, quæ voventi incumbit, per posterius votum quid derogetur, neve cavillationibus ac prævaricationibus lata pandatur porta. Cum enim promissio num nostrarum, aliis hominibus factarum, sancta esse debeat fides ac pœnatio; ad vota præstanta eo magis sumus obstricti, quod ea Deo, consensum dictorum & factorum postulanti, præstentur, eaque nuncupentur intentione, ut animum gratum devoutumque Ei ita probemus. Adeoque hallucinantur, quotquot obligationem vota præstanti, ex sola arcessendam esse revelatione putent (a). Si quid autem vitii voto suo, quamvis follenniter & sub iurisjurandi religione concepto, adhærere intelligat vovens, idem eo minus præstare tenetur, quod pacta etiam in se illicita, utut juramento confirmata, non sint valida, ut solide demonstrant Philosophi; ac proinde nec votum, actus utique religiosus, in vinculum quoddam iniquitatis unquam transformabitur.

(a) Vid. GLAFFEY. in Libro Recht der Vernunft p. 412.

§. VI.

Vocabulo *temerarii* varias a Scriptoribus Latinis tribui notiones, in confessu est, nonnullis per *temerarium* indigitantibus, quod sine certo fine sit, quem tamen significatum minus genuinum esse existimamus. Quum enim finis

29

finis sit id, propter quod ut existat, causa agit efficiens,
seu quod actionis cuiusdam est motivum, *temerarius*, qui
arduis sæpenumero occupatur negotiis, sine motivis, ex
sola animi levitate, ageret; quam vero admittere conclu-
sionem, ego non ausim, satis persuasus, quod nullus ho-
mo, dum lapit, sine motivo quodam, sive de cætero ra-
tio vel affectus illud ei suggestit, agat. Ponamus enim
quempiam manifesto se se objicere periculo: profecto ta-
lis temerarius animo suo spem concepit, vel illud forti-
ter depellendi, vel, si successu careat eventus, sua saltē
actione, quam pauci imitabuntur, insignem ardui conatus
gloriam obtainendi. *Temerarium* igitur, habita vocis indo-
le, qua *provisui* opponitur, potius dixerim, quicquid su-
scipitur sine debita consideratione vel præsentium circum-
stantiarum, vel casuum eventu possibilium, horumque
effectuum. Hinc illud *Votum* censetur *temerarium*, quod
magis ex vehementi affectu, quam ex prævia factum est
deliberatione. Quod ad talis voti moralitatem attinet,
tantum abest, ut illud Deo placeat, adeoque ab Eo ac-
ceptetur, ut Divina potius eodem lèdatur majestas, quuma
temerarius secum non expendat veram voti sui indolem,
an illud præceptis Dei conveniat, vel forte si idem, prout
conceptum fuit, stricte exequatur, in Deum vel alios ho-
mines evadat injurius. Apud temerarium enim in cen-
sum non venit, quid Deus præcepit, sed quid ipse pro-
misit, adeoque Legem Divinam suo subordinat benepla-
cito; quo vix quidquam cogitari potest ineptius. Quocir-
ca adhuc erit observandum, voti temerarii invaliditatem
non esse arcessendam ex mera temeritate, ceu homines
communiter opinantur, sed exinde, quod illud aliunde
sit vitiosum; ratione scilicet materiae vel rei, cujus præ-
statio vovetur, cum id, quod ita vovetur, aut in se au-
saltē respectu incidentium circumstantiarum sit adeo ma-

rum, ut præstari absque peccato non possit, voti etiam impletioni obstante alia priore ac fortiore obligatione a Deo imposta, & illi, ad quam quis semet ipsum obstrinxit, prævalente.

§. VII.

Votorum alias aliisque generis varia tam apud Sacros, quam profanos Scriptores occurunt exempla, quorum quedam ad *temerariorum* classem ex nostra opinione referenda, pro instituti ratione breviter examinabimus. Celebre imprimis & valde vexatum est votum Ducis Israëlitarum JEPHTÆ, qui irruptionem Ammonitarum in suam patriam repressurus, in moliminum suorum felicem successum Deo vovit, se, si victoriam ab hostibus reportaret, Ei holocaustum immolaturum, quicquid sibi revertenti primum e domo sua occureret; factum autem legimus, ut filia JEPHTÆ, unica sua proles, nunciato Patris adventu, gratulabunda in occursum suum properaret (a); quam proinde an Pater, voti damnatus, vel immolaverit, vel cælibi vitæ dicatam ministerio sacerdotum in Templo devoverit, anceps inter eruditos est controversia, quorum qui priorem tuentur sententiam, verbis Sacri Historici presle inhaerent (b), aliis insuper adjacentibus, haud improbabile videri, Jephtham, in latronum confortio inde a pueritia versatum, filiam suam immolasse (c); pro quibus posteriorem defendantem opinionem, de tanto mitius censem Heroë, quam ut eum omnis non modo adfclus paterni, sed etiam humanitatis sensum exuisse, sibi persuadere paterentur (d). Nos, missis, quæ in utramque partem adferri solent, rationibus, existimamus votum hoc vel illo impletum modo, in filiam præsertim injutorissimum, ac proinde ab Optimo & Sanctissimo Nominе non fuisse acceptatum. Pretium voti ex mente Jephthæ esset primum animal sibi victori e domo sua occurrens; quodnam au-

tem

tem & quale hoc futurum esset, prævidere non potuig.
 Fac igitur animal, quale immolare nefas fuit, ex. gr. e-
 quum, suem aut canem ei primum obviam venisse, an
 idem immolare debuisset? Profecto fingere non licet, Jeph-
 tam præceptorum Divinorum adeo fuisse immemo-
 rem, ut Deum, Cui gratum probare veller ani-
 mum, isto offenderet sacrilegio. Imo prævia vel tantilla
 deliberatione cogitare debuisset, accidere posse, quod
 revera accidit, hominem scilicet sibi forte occursum;
 quem immolare eo majus fuit facinus, quod Deus lege
 tam Naturali, quam Positiva, omnem aliorum læsionem,
 imprimis ~~adversarii~~ severissime prohibuisset. Nec vo-
 to Jephæ temeritatis eluitur macula, posito, quod filiam
 non quidem immolaverit, sed eam tamen cælibatui man-
 cipatam cultui sacrorum consecraverit, quum nec talis
 instituti in Gente Hebræa ullum exstaret præceptum, &
 filia hanc conditionem impotentius, quæ indoles est puel-
 latum nubilum, quam ipsam ferret mortem. Quicquid
 sit, sensit ipse Jephæ temeritatem sui voti, attamen pro-
 ea, qua laborabat, moralitatis actionum suarum ignoran-
 tia, votum quodvis, Deo factum, strictissime esse ser-
 vandum putavit; quamvis idem sine gravissimo præstari
 non posset facinore (e) Allato jam exemplo inter alia
 geminum est votum AGAMNONIS, Mycenarum Regis,
 filiam IPHIGENIAM ad placandum Numen sollenniter im-
 molantis, ceu Græci tradunt Scriptores (f).

- (a) Vid. *Judic Cap XI.* (b) Hinc b. LUTHERUS in glo-
 sa: *Man will, er habe sie nicht geoffert, aber der Text*
stöbet klar da. (c) Vid. *Joh. D. MICHAELIS Mosaïsche*
Recht III Theil. p. m. 18. seq. (d) Vid. præter alios
Rev. BENZELLE Disserat. de Voto Jephæ incruento.
 (e) Si moralitatem voti Jephæ secum probe expen-
 disset HIERONÝMUS, at quantus Ecclesiæ Doctor, in
Epi-

Epistola ad Julianum forte non adseruiset, Jephthara, quod Virginem filiam obtulisset, in Sanctorum enunciatione ab Apostolo PAULO esse positum, procul enim dubio Apostolus Hebr. XI: 32. non respicit præstationem voti Jephthæ, sed Zelum, fiducia Divini auxilii nixum, quo animatus Ammonitas, Dei & suos hostes, fuit aggressus (f). Sunt, qui existiment, Historiam filiæ Jephthæ a Scriptoribus Græcis applicatam fuisse Iphigeniæ, Agamemnonis filiæ, Iphigeniam dictam fuisse velut Jephigeniam, quod in Sisimis incolæ sacrificium facere conservererat in honorem pueræ, vid. *Epiphanius. Hæres.* LXXVIII; cui opinioni aliquid roboris inde accedit, quod Jephtha & Agamemnon fuerint æquales ac celebratissimi sua ætate Heroës.

§. VIII.

Votis temerariis forte non immerito anumeratur *Matrimonium* sic dictum *Virgineum*, quo futuri conjuges ad continuam a cohabitatione conjugali abstinentiam & modestam in occulto matrimonii dissimulationem voto se obstringunt. Vix sibi persuaderet quispiam, tantam fuisse quorundam hominum animi levitatem, ut qui in institutum quoddam consenserunt, a fine tamen, per hoc obtinendo, se averterent, nec eum promoverent, sed quantum in se, disturbarent, nisi varia malesanam hanc vivendi rationem probarent exempla, imprimis *Matrimonium Virgineum*, inter personas, præsertim illustres, superioribus seculis non insolitum. *Temerarium* autem esse votum hoc virgineum, vel inde patet, quod conjuges præsumtæ cuidam sanctitati tantum tribuerint, ut non considerarent vel finem, propter quem Deus matrimonium instituit, vel an pares essent continentiae, sibi ipsis injunctæ, in statu conjugali perpetim servandæ, vel denique manifestum periculum, in variarum tentationum ba-

rathrum per suam vanitatem incidendi. Est quidem, ut noto dicitur versiculo, *Virtus a placitis abstinuisse bonis;* quo tamen non usus voluptatum innoxiarum, sed earum intemperies, sensualem tantummodo intendens oblectationem, reprehenditur. Et quis spondere ausit, quin coniuges Virginales illicito modo, ferente ita occasione & sollicitantibus naturæ stimulis, æstuantes suas expleverint passiones? Si cujus igitur tenera adeo esset conscientia, ut crederet, se actibus conjugalibus intra matrimonium pollui, melius sibi consuleret, si a matrimonio abstineat, quam si in hunc statum temerario se conjiciat modo.

§. IX.

Antequam finem huic imponimus disquisitioni, explicuisse juvat casum, ad meras fictiones certe non referendum. Generosus quidam, valde opulentus, prolem habet unicam duntaxat filiam, quæ cum animum ad hominem, loco & ordine longe inferiorem, adjecisset, eidem nubere statuit; quod ubi Pater cognovit, vehementi accensus ira, jurejurando adjecto votet, se filiæ, si istas consummaret nuptias, ne teruncium quidem in dotem unquam daturum. Nubit tamen dilecto proco filia; quod cum fecisset, Pater sæpen numero prædictum illud votum, idque more sollenni iterat renovatque, insuper adseverans, se nunquam filiæ, aut cuivis ad eam pertinenti, quidquam de bonis suis largiturum. --- Nemo quidem negaverit, filiam hanc, etiam si quæ fuerint mariti merita, patrem suum gravissime adflxisse, in familiam introducendo, atque in confortium speratae hereditatis admittendo eum, quem Pater ferre non posset; quamobrem nemo mirabitur, si pater, cujus justum dolorem & insecuritas minas contemserat filia, eam in deteriorem detrueret conditionem, quam cui nascendi fors eam destinaverat. Nihilo tamen minus hoc Patris votum fuit temerarium,

utpote nec in Dei gloriam, nec in alicujus felicitatem, sed in filiæ & ex ea nasciturorum liberorum certam perniciem factum, quod proinde præstare Pater, nisi plane immemor imbecillitatis humanae ac præcepti Legis Naturalis: quod mala malis non sint pensanda, haud potuit. Insuper nec iteratum votum, nec jurandum eidem adjectum, ad præstationem voti, utpote in se temerarii & perquam iniqui, obstringere potuit patrem, acerbitali animi sui obsequenter; immoto manente Moralistarum canone: *quod male juratur, pejus servatur.* Graviter omnino peccavit filia hæc sua in Patrem inobedientia & contumacia, non reprehensionem tantum, sed pœnam etiam propterea promerens; attamen vix minus peccavit Pater sua in filiam *ascepsyac* ad incitas illam nedigens. Denique si forte excusandum, quod Pater in filiam graviter animadverterit, censuram tamen ob suam meretur temeritatem, & quod pœnam ad innoxios suos nepotes extenderit, miseria & squalore hos contabescere permittens; præsertim quum neficeret, annon hi, matris suæ calamitate commoti, vitam suam ita instituerent, ut omnibus constaret, eos esse surculos, generosa stirpe paterna non indignos.

S. D. G.

